

# Cybermobbing – ristga per suicidi crescha

■ (rtr) **Cybermobbing, in nov problem social. L'internet cun paginas socialas sco Facebook porscha ina gronda ristga ch'uffants e giuvenils damentan victimas da mobbing.**

Ina fotografia penibla u in spruh, ina beffa e quai repetitivamain e cun sistem. Ils pertutgads pon vegnir uschia en grondas miserias. La consequenza possia esser ch'uffants e giuvenils sa retirian da la vita so-

ciala, survegnian depressiuns ed uschia possia era la ristga per suicidi crescer. Quai di *Silvio Caviezel* da la Pro Juventute Grischun. E per il scolast *Gabriel Derungs* saja il cybermobbing ina furma anc bler pli subtila e nauscha ch'il mobbing sin piazza da scola.

**Discurrer dal problem e far buna prevenziun**

Er il psicolog d'uffants *Philipp*

*Ramming* è da l'avis che mobbing en l'internet saja pli simpel, las barrieras èn pli bassas. Oramai che la distanza entras l'internet fa vegnir pli pitschen il sentiment da responsabladad dals acturs. Dentant: Per *Ramming* na dettia i betg dapli mobbing che pli baud, dentant discurren ins dapli dal problem. E quai fa plaschair a *Ramming*. Per el saja discurrer dal problem ina fitg buna prevenziun.